



Broj: UP1:01-50-2-1523-6/24
Sarajevo, 11.07.2024. godine

Na osnovu člana 25. stav (1) i 27. stav (1) i (2) Zakona o slobodi pristupa informacijama u Bosni i Hercegovini („Službeni glasnik BiH“, br. 61/23), a u vezi sa članom 206. Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), rješavajući po zahtjevu advokatice Marković Mirjane iz Srebrenika za dopunu informacije za slobodu pristupa informacijama od 25. 3. 2024. godine odobrene Rješenjem broj: UP1: 01-50-2-1523-3/24 od 3. 4. 2024. godine, šefica Kabineta - savjetnik ministra komunikacija i prometa Bosne i Hercegovine, po ovlaštenju ministra komunikacija i prometa Bosne i Hercegovine broj 04-07-2-371/23 od 9. 2. 2023. godine, donosi

R J E Š E N J E **o slobodi pristupa informacijama**

Advokatici Marković Mirjani iz Srebrenika odobrava se dopuna informacije za slobodu pristupa informacijama od 25. 3. 2024. godine odobrene Rješenjem broj: UP1: 01-50-2-1523-3/24 od 3. 4. 2024. godine.

O b r a z l o ž e n j e

Advokatica Marković Mirjana iz Srebrenika obratila se 25. 3. 2024. godine Ministarstvu komunikacija i prometa Bosne i Hercegovine (u daljnjem tekstu: Ministarstvo) zahtjevom za slobodu pristupa informacijama u skladu sa odredbama Zakona o slobodi pristupa informacijama u Bosni i Hercegovini („Službeni glasnik BiH“, br. 61/23, u daljnjem tekstu: Zakon).

Predmetnim zahtjevom za pristup informacijama, zatraženo je *dostavljanje podataka za prijevoznika BIG SIM d. o. o. Kalesija, i to kako slijedi*: - podatke o svim izdatim odobrenjima-dozvolama za obavljanje usluga prevoza putnika za dio linije preko Bosne i Hercegovine sa podacima upisanih autobusnih stanica u Bosni i Hercegovini; - brojevima linija, broj oznake registra, serijski broj dozvole na relacijama na kojim je imao odobrenje za vršenje usluga prevoza putnika; - vrijeme kada su iste izdate i rokove trajanja, tj. do kada iste važe, a sve za period od 20. 10. 2020. godine do 20. 10. 2023. godine, kao i podatke o svemu gore navedenom a koji su važili na dan 20. 10. 2020. godine. Također, molimo da nam, ukoliko ste u mogućnosti, dostavite fotokopije izdatih dozvola za BIG SIM d. o. o. Kalesija.

U skladu sa članom 23. Zakona, utvrđeno je da je zahtjev uredan.

Postupajući po predmetnom zahtjevu, Ministarstvo je, u skladu sa članom 26. stav (1) Zakona i Vodiča o slobodi pristupa informacijama broj: 01-50-1087/24 od 10. 5. 2024. godine, poduzelo sve potrebne radnje kako bi prikupilo tražene informacije i razmotrilo sve činjenice i okolnosti koje su značajne za obradu predmetnog zahtjeva.

Rješenjem broj: UP1: 01-50-2-1523-3/24 od 3. 4. 2024. godine Ministarstvo je odobrilo pristup informacijama po zahtjevu od 25. 3. 2024. godine.

S tim u vezi, 26. 6. i 9. 7. 2024. godine podnositeljica zahtjeva se ponovo obratila Ministarstvu molbom za dostavljanje informacija: „*shodno Vašem aktu broj veze gornji od 3. 4. 2024. godine dostavili ste nam podatke o dozvolama za izdati prevoz putnika a koje su izdate na ime BIG SIM d. o. o. Kalesija. Međutim, uvidom u naš zahtjev koji smo podnijeli 21. 3. 2024. godine a Vi zaprimili 25. 3. 2024. godine iz dostavljene dokumentacije se ne može zaključiti za koji period se tačno odnose, tj. navedeno je do kada iste važe, ali nije navedeno vrijeme kada su iste izdate niti je odgovoreno na naš zahtjev u pogledu perioda važenja istih. S obzirom na gore navedeno, molimo da za dozvole broj 07862, 07861, 07860, 07859, 07858, 08903, 09609, 12213, 11500, 11614, 12007 i 12531, a koje ste dostavili uz podnesak broj veze gornji, dostavite podatak kada (datume izdavanja istih) su iste izdate od strane Ministarstva prevozniku BIG SIM d. o. o. Kalesija*“.

Postupajući po predmetnom zahtjevu, dostavljaju se sljedeće informacije: dozvole za Kalesija - Ried (12007) izrađene 31. 8. 2022. godine sa rokom važenja do 8. 10. 2027. godine, Zvornik - Dortmund (11500) 21. 4. 2022. godine sa rokom važenja do 21. 4. 2027. godine, Zvornik - Dortmund (12531) 28. 4. 2023. sa rokom važenja do 28. 4. 2028. godine, Zvornik - Berlin (11614) 6. 5. 2022. godine sa rokom važenja do 6. 5. 2027. godine, Zvornik - Antwerpen registarski broj 107-B-1 izdate 20. 7. 2020. godine sa rokom važenja do 1. 7. 2025. godine serijski broj 9601-9610, Bijeljina - Ženeva 57-CH-1 izdate 15. 11. 2022. godine sa rokom važenja do 15. 11. 2027. godine serijski broj dozvola 12212-12217, Zvornik - Luksemburg 6-L-1 izdate 28. 11. 2018. sa rokom važenja do 27. 11. 2024. serijski broj dozvola 8894-8903, dok su dozvole broj 07858, 07859, 07860, 07861 i 07862 otpremljene 27. 3. 2019. godine.

Imajući u vidu navedeno, a postupajući u skladu sa članom 27. stav (2), odlučeno je kao u dispozitivu ovoga rješenja.

Uputstvo o pravnom lijeku: Protiv ovog rješenja dozvoljena je žalba Žalbenom vijeću pri Vijeću ministara Bosne i Hercegovine u roku od 15 dana od dana njegovog prijema.

U slučaju da podnositeljica zahtjeva nije zadovoljna postupanjem ovog organa, ima pravo obraćanja Ombudsmenu za ljudska prava Bosne i Hercegovine, Akademika Jovana Surutke 13, 78 000 Banja Luka.



PO OVLAŠTENJU MINISTRA
Sanja Škuletić-Malagić

Dostavljeno:

- Advokat/Odvjetnik Marković Marijana, 21. srebreničke brigade bb, 75350 Srebrenik;
- spis predmeta;
- a/a.